

չինեցին և ամբացուցին զայն քարամբք և կրիւ ըստ պոյմանին և Խոստաման իւրեանց . 'ի ՆՂ Մուհարրէ՛մ ամնոյ՛ ԳՐԴ (1329) :

Իսկ Յովհաննէս եպիսկոպոս 'ի կենդանութեան իւրում ինքնայօժար կամօք հրաժարեցաւ յիշխանութենէ Պատրիարքութեան , և հաճութեամբ միաբանաց յանձն արար զայն Աստուածատուր եպիսկոպոսի Մարտինցոյ . տուեալ 'ի ձեռս նորա զհա՛ն և զկարասիս և զանօթս , զկտուալարութիւն վանօրէից և կալուածոց , և որ ինչ միանգամ էր 'ի ձեռս իւր : Նոյնպէս և Խաչատուր եպիսկոպոս , որ վերատեսուչ (Միւթէվեղի) էր վանաց , հրաժարեալ 'ի պաշտօնէ իւրմէ , յանձն արար զայն 'ի ձեռս Աստուածատրոյ : Ապա ժողովեալ միաբանաց գրեցին գիր վկայութեան և հաստատութեան , արկին 'ի նա ամենեքեան ձեռս , զի հաճութեամբ ընկալան զհրաժարումն Յովհաննու և զընտրութիւն Աստուածատրոյ , յետ կարգաւորելոյ զամենայնն 'ի միջի իւրեանց , էաւ Յովհաննէս եպիսկոպոս զգիրն զայն և զԱստուածատուր՝ իջին 'ի դատարան , և և կացուցին 'ի վկայ գերիւուս երեւելիս 'ի վաճառականացն այլազգեաց , մատուցեալ Յովհաննու զգիր միաբանութեան յայտ արար յատենի անդ զհրաժարումն իւր և զընտրութիւն Աստուածատրոյ լինել Պատրիարք ազգին Հայոց յերուսաղէմ , յանձըն արարի ամս ասէ՛ հաճութեամբ միաբանաց զկառավարութիւնս և զամենայն կահս վանաց Ս . Յակոբայ , ըգտեսչութիւն վանօրէից և կալուածոց , և ևս այսուհետեւ չունիմ իրաւունս լինել ձեռնամուխ յիրս ինչ վանաց , ոչ հակառակիլ Պատրիարքին և ոչ իջուցանել զնա յաթոռոյն մինչև ցմահ նորին , և ո՛չ որ եւ իցէ փոքր աթիւ յարուցանել վէճս 'ի վերայ նորա , եւ կամ ընդդէմ զինիլ իշխանութեան նորին : Յետ այնորիկ եհարց դատաւորն ցԱստուածատուր եպիսկոպոս և ասէ՛ դու եւս յօժարութեամբ սրտի ընկալա՞ր զիշխանութիւն Պատրիարքութեան , և և զամենայն զոր միանգամ յայտ արար յատենի աստ Յովհաննէս եպիսկոպոս . ևս պատասխանի եւ ասէ , ընկալեալ եմ զամենեսեան , որպէս յայտ արարեալ ծանոյց Յովհաննէս , և վկայ կացին բանիցն երկօքին այլազգիքն , և դատաւորն գրեաց յետկար , և հաստատեաց զՊատրիար-